

<唔关我事>

第一稿

日期：2016年1月11日

编剧：倪凯乐

导演：英文瀚老师、陈靖轩

Main characters:

1.林浩轩(主角)

年龄：17

背景：因偷野被踢校，先同翔熟,得知翔以往事,后被人得知曾偷野，之后被龙利用，最后有亲手杀死

翔，但目击佢死

性格：普通，似有啲唔了解世事,怕得罪人

2.吴建龙(欺凌带头人)

年龄：17

背景：因某事开始欺凌诚，令诚最后转校，之后因为知道翔帮过阿诚而开始欺凌佢，最后错手杀翔

性格：粗鲁，恶，贪玩，不顾后果，冲动

3.林凯祥(被欺凌者)

年龄：终年17

背景：中三同诚好friend，之后因为阿诚求救而告发老师，之后老师办事不力而导致阿诚转校，之后

开始被欺凌，认识轩,最后被龙杀

性格：忍耐，自责，自负，冷静

4.曾少仁(曾sir)

年龄：55

背景：教中三时曾经被翔告知班上发生欺凌，结果没有认真处理，只有口头警告而导致事情恶化，

后教中五再次发生欺凌,非常睇好翔,少时曾经被欺凌

性格：hea, 没能力,有阴影

5.阿闪(跟班1)

年龄：17

背景：中三时跟龙,阻止龙打诚,却以精神折磨诚(唱衰),捉到轩曾偷野把柄,设计利用轩叫翔出去玩佢

性格：阴险，聪明(负面)，玩心计

6.糖少(跟班2)

年龄：17

背景：中三有份欺凌阿诚,欺凌翔程度少于龙及闪

性格：被动，懒，迟钝

7.monkey(跟班3)

年龄：17

背景：因在班上知名道不低，也带动大家有微少的讨厌诚,后有份参与欺凌翔

性格：口才了得，花生友，号召力强

8.阿诚(中三被欺凌)

年龄：17

背景：中三与翔friend,后得罪龙而被欺凌,曾向翔求救,最后承受唔到转校,冇再同翔联络,在法院出现,

也在网上闹轩

性格：记仇,憎恨

9.林俊佳(主角老豆)

年龄：53

背景：工作关系而令轩转校，曾经同轩讲：「啊仔，做返你自己就得喇，唔晒理人地，做好自己本

份就得□啦。」唔想生事，最后轩衰左

性格：平凡，唔想有事

每幕出现人物

Act 0 Prologue

三名被罚生站在台一边罚企，等待老师来。超H E A

职员无所事事玩手机，校长签紧文件

曾：你地三个又同人打架.....好心你地啦，都中五啦.....成熟少少啦.....唔好畀我退休前搞咁多野啦.....唉.....(3人明显不耐烦)

闪：(手插袋，寸嘴)曾S I R，唔关我事架？我地被人打咋。好心你啦，咪唔好理我地啰！

曾：我成日同你地讲。。。

糖：(打啊欠)，曾sir.....好累啊.....俾我返课室先啦.....

校长入。三名学生即惊，唔敢出声。

校：做咩呀？件衫烂晒既？

龙：冇野呀。

校：你地三个，常客黎啲。

三人：。。。

校：放学黎见我。

三人：下？

校长入房。

跟：咁走得未呀曾S I R。放学又要见校长。

曾：唉.....怕左你地，返去啦

一对父子入。3人走，闪撞到轩父

闪：哇！

父：对.....对唔住.....

3人走，父见到曾

父：唔好意思，请问转校生要去边登记？

职员：下？这里便可。你拿返申论表出来。交比我啦。

父：唔该晒。

校长走出来

校：你系X X轩？

轩：哦。系呀。

校：入来。

校：坐呀。系呢。你系直资学校转来啲.....咩原因呢.....？

轩：因为.....发生过一啲事。

校：咩事？

轩：偷野。

校：唔。

父：其实呢，佢其实。。。

校：拿。你自己偷野，就要自己承担。唔好下下要老豆帮你讲说话。

轩： 哦。我之前偷野。俾之前间学校赶出来。

校： 咁你会唔会再犯？

轩： （拎头）

校： 拿，另外。我地学校既学生比较活跃D。餐器唔洗撼缸瓦既，唔洗同佢地嘈既。知唔知？

轩： 哦。

校： 咁你下星一返来就上去5F班房啦。

轩： 哦

父子离开校长室。

（同时后面已换景中）

父： 阿轩，你要记住！唔好惹事生非，做好自己就得喇。

轩： 哦。

父： 总之记住，唔关你事既野就尽量唔好搞唔好理，拿拿林读埋LEE两年，考埋个DSE。

轩： 得喇。

（父摇一摇头，叹左一啖气，走）

Ac

t 1

课室

老师未入，有啲学生瞓觉,有啲吹紧水,有啲玩紧手机,有啲无所事事,亦有啲系度整人。

睇得出班房好乱,有一种劣资学校感觉

曾sir同轩入,啲学生各自议论纷纷

曾： 你写自己个名上去啦。

闪： WOW!(大叫无谓声音)

曾： 好啦!大家静啲啦!今日我地来左位.....

龙入。

龙: (打断突入)哇!咩事咁热闹啊?

曾： 你又迟到！你执番靚你件衫先啦!

龙： 得啦。曾少奶老师。（走向自己座位）（全班笑）

曾： 边个教你咁冇礼貌o?

龙： 咪你啰(全班笑)

曾： 算啦,返埋位坐。今日我地来左位新转校生，介绍下自己啦。

轩： （深呼吸）大家好,我叫林浩轩。

同学： 点解转过黎既？我地B A N D 3架啲。

轩： E R。 转来呢度嘅原因系因为喺上一间学校偷.....(欲言又止)因为屋企人搬屋关系.唔。

系

呀。

曾: 咁我地欢迎佢黎啦。

众人起哄。

曾: 好喇,大家静啲喇。(众人.停止)咁你就坐喺.....

龙: 曾sir,我隔离有个空位啊!

曾: 好啦, 咁你就坐喺吴建龙隔离啦

轩行到过去坐底

龙: 喂。

轩: 我?

龙: 系啊,我系阿龙, 我系全班最乖既! (跟班偷笑)

闪: Hi,我系阿闪。

糖: 叫我阿糖。

龙: 叫佢软糖啦! 佢软架! (偷笑)

Mon: YO! 我系MONKEY!

轩: 叫我阿轩得喇。

龙: 出面个个叫奶SIR。佢好似系曾, 曾少奶~佢废架。

龙: 你后面个个系呀闭, 佢姓自既。叫自闭。

轩: 哦。

祥: 。。。

(钟声响) 灯转。

Act

2 SCENE 1 (课室)(放学前一堂)

曾sir喺黑板写紧野,大部份同学都冇睇佢,自己做自己野,有啲瞓觉,有啲玩手机,得翔同轩写紧笔记,认

真听书

龙: 哈...哈嘖! 用纸巾抹完鼻扔向祥。

闪: 伸个懒腰先.....(突然扫翔抬上啲野).....唉啊,快啲放学啦.....(冇悔意)

(曾sir突然转身拍枱)

曾: 喺,呢啲考试重点.....唉.... 好心 你地学下林凯翔啦, 你地地下年就公开试喇, 你咁出去会垫人底架咋。睇下佢,就系呢种态度先拿。。。

跟: 全级第一嘛。你讲左一万次喇, 好烦呀!

(全班异口同声「唉」左一下)

龙: 奶sir, 你学下我呀妈啦! 佢系 女人! (全班笑)

龙: 你快啲讲完放我地走啦。

曾: 你抄埋D笔记先好去唱K!

龙: 哇~讲呢啲.....

曾: 喺, 依家派份功课俾你地, 做完听日上堂对.(派功课)
 (各同学传纸, 纸传到龙手上)
 龙: 哈.....哈...哈嘖!!! (龙用张功课抹鼻, 之后望向翔)
 龙: 唔好意思啊, 将你张功课当在纸巾回, 嘻嘻! (龙抹完鼻扔左个纸球俾翔) 曾 sir! 唔够纸啊!」
 曾: 嗯(寻找有冇).....我手头上有多一份, 一系咁, 我依家返教员室影多张, 你地自己睇住先.
 (走)」
 (全班即吵)
 (龙佢地开始整翔, 糖企喺门口睇水)
 (佢地倒翔书包, 玩佢头发等)
 (大约一至分半钟)
 糖: 喂..... 奶妈返黎喇!
 (龙等人即刻做返位自己野, 翔就执番啲野入书包)
 (曾入)
 曾: 哪, 林凯祥, 呢张你嘅..
 (打钟)
 曾: 各位同学, 记住完成佢, 今日系咁多.(曾执野走)
 (其他学生大部份走, 留低龙, 跟班, 翔, 轩, 一至两个正常学生)
 龙: 喂, 记得做功课呀。如果唔系考唔到全级第一(一野将只手狂扫佢个头)」
 祥: 。。。 (不作声, 继续执野)
 龙: (拿起佢笔袋) monkey, 接住!(扔)
 Mon: Y O! (接) Hey, 闪!(扔)」
 翔: 唔好啊.... 个笔袋系.....
 (祥 一直想拿返, 但佢地四人不断扔来扔去)
 (About 30s)
 (最后扔到轩手上)
 龙: 喂, 阿边个, 扔过来啦!
 翔: 唔.....唔好啊...
 轩: 吓.....(望一望龙, 再望翔, 又望手上嘅笔袋)
 龙: 快啲啦!
 轩: (俾返翔)
 龙: 嗰, 成个道德超人, 都唔好玩嘅, 喂, 去唱 K!(龙等人走)
 翔: 唔该.....
 轩: 你有咩事啊嘛?
 翔: 冇.....
 轩: 系呢, 我叫林浩轩, 你呢?
 翔: 我... 我叫林凯祥
 轩: 你考全级第一架? 咪好劲?
 祥: 哈. 一般啦.
 轩: 点解佢地成日恰你既?
 祥: 下.
 轩: (发现问错问题) 呀, 都系冇野喇. 肚唔肚饿呀. 不如去食下午茶。

祥： 哦。好呀。

轩： 行嘍。

Act3

课后

轩、祥二人在 CANTEEN 做功课（剪报），HEA，饮野吹水

轩： 哈哈，个次真系抵佢死。

祥： 哈。

一会。

祥： 上次，多谢你。

轩： 边次？

祥： 两个月前。

轩： 讲人话唔该。

祥： 三个月前，你第一日入来学校读，当时龙恰我，将我个橙色笔袋 D U M 落地下踩，你帮我

执左，比返我。

轩： 哇，好小事咋喎。我完全唔记得左。系呢，其实点解佢地成日吓你？

祥： 。。。

轩： 哦，你唔想讲，由得佢啦。

轩执拾东西，欲离开，突然。

祥： 你觉得，睇人犯罪，算唔算犯罪？

轩： 咩话？

祥： 都系有野喇。

轩： 唔系好知你讲咩喎。

祥： 这单新闻（拿起手上报纸）X X X X 讲一个新闻。

你自己有能力，可以出手阻止，但最后有咁做，受害者被害，个个人有冇罪？

轩： 哇，好难讲喎。（坐下）唔可以话完全冇罪，但又唔可以所有责任比晒佢。

画面同时出现三年前课室的景况。

祥： 当时我有个好朋友，叫阿诚，我同佢小学一齐升上来。

诚： 喂！一阵食 LUNCH 食咩好？

祥： 是旦。

诚： 你不如唔好答。

祥： 。。。

诚： 谗去食咩真系宇宙十大难题，我地落去土瓜湾又劲耐，叫外卖又唔好食。

祥： 日本野。

诚： 咩话？

祥： 日本野。

诚： 生冷野会肚痛。

祥： 韩国野。

诚： 热气会生飞滋同爆疮。

祥： 自助餐。

诚： 低能架你。

祥： 云贵。

诚： 食左一千碗了。

龙做一D衰野。

老师突然望过去。

龙： 呀 S I R，陈伟诚佢搞屎棍呀！

老： 你讲咩呀！收声！

龙： S O R L I S O R L I S I R！

老： 陈伟诚，企起身。X X X X X。

陈站着，未能回答老师问题。

龙： 老师，我答。

老： 好

龙： X X X

老： 唔。

龙： 老师，陈伟诚上堂又唔专心，训到D野都跌晒落地下。比我就唔忍喇。你唔系唔罚佢呀嘛。

龙带动大家起哄。

老： 收声！收声！我睇唔到！

龙： 哇!!!! 好唔公平呀老师！我上次训觉你就罚我有得食 LUNCH。而家佢训觉又答唔到老师问题，佢又唔洗罚既。老师！我心灵好受伤害呀。唉 Y A !!!

成班偷笑。

诚： ...

老： 陈启诚，你头先答唔到我问题，即系你有听书啦！我罚你今日留堂冇得出去食 L U N C H！

诚： 喂！搞错呀！咁你摆明屈我者。痴线！低能架你！

老： 你讲咩话？我原本都有谗住罚你！你咁有礼貌！

龙： 哇！公然挑战老师！比我就唔忍喇老师。系咪应该记缺点先？

老： 老师做野唔洗你教！陈伟诚，你今日同成个礼拜既 LUNCH 都去教员室门口罚企。

打钟。

老师： 落堂！

老师气冲冲地离开。
龙和跟班得意洋洋地离开。

龙： 日本野？
闪： 生冷野会肚痛。
龙： 韩国野？
MON： 热气会生飞滋同爆疮。
龙： 自助餐？
全： （对诚）低能架你!!!! 哈哈
龙及跟班离开。
诚和祥一起执野。
画面一转，又令一次。
龙倒晒诚书包D野出来。
诚： 喂!!!
龙： 哦！你死喇（拿起X X X）
诚： 比返我呀！
龙走出走廊大叫！
校长发现佢地带烟回来，带左佢走。
最后久而久之，成班都唔 LIKE 佢。
祥： 之后，佢读埋个个学期就走左去第二间学校了。
佢 BLOCK 晒所有人，包括我。
可能佢觉得我同其他人都一齐玩佢挂。
其实我有玩佢。我好后悔

ACT 4

祥不在。
坏人三人组故意做比轩睇。
龙： （跟自己跟班说）喂！你做咩偷我野呀！下？我告发你架。睇下你会唔会被人踢出校呀拿？
跟： 我有呀！我有呀！（找袋）咦？我部 IPHONE 呢？去左边呀？系咪呀轩你偷左呀？
轩： （呆）下？
龙： 深水埗崇洁中学男生见财起贪念，断送前程。

跟： 唉Y A，不D名校生咁差架！？我要收埋晒所有既野喇！费时比人偷呀。
龙： 不原来你系贼黎架？

轩：。。。

龙：喂！问你野呀！贼仔轩！

轩：我。。。你点知架？

跟：L E E 个世界有样野叫 F A C E B O O K 同埋高登架嘛。名校副校长搞女学生单野人地都系用左四个钟头就起到底啦。

轩：。。。

龙：你上次帮自闭仔执笔袋。你唔系谗住偷佢 D 野呀嘛。

轩：梗系唔系！

龙：咁就好喇！我地一班同学黎架嘛。系咪？老师都有话啦。一班同学，系一个大家庭！

跟：爸爸～妈妈～

轩：。。。

龙：拿！下个星期中秋节，我地成班 F R I E N D 谗住一齐去烧野食。咁多人 D 好玩 D。你都黎玩啦！

轩：下？

龙：你觉得我会玩你？

轩：唔系。

龙：唔系就得喇。下星期，约定你喇。

轩：哦。

龙：你叫埋自闭仔黎啦。

轩：下？

龙：一齐玩嘛。唔好咩？

轩：下？佢未必来架啫。

龙：（跟自己跟班说）喂！你做咩偷我野呀！下？我告发你架。

轩：唉，好喇好喇。

ACT 5

祥在做功课，轩出现。

轩：（自言自语）玩下者，只系去一齐玩者。冇野既。多一事不如小一事。你唔搞人，人地唔会搞你。（向祥）喂，搞紧咩呀？

祥：做功课。

轩：喂，下星期中秋节，不如出去玩啦。

祥：哦。

轩：烧野食好冇呀？

祥：有边个？

轩：我 D F R I E N D 啰！

祥：哦，都系唔好了。

龙望到。咳了两声。

轩：去啦！难得中秋节。唔系唔去玩呀嘛？

祥：但系下星期有测验。

轩：咁呀。。。

跟：好惊呀好惊呀。

轩： 总之会好好玩架！你咪咁自闭啦！（发现）SORRY。

祥： 咁。。。我去啦。

龙跟H I N做手势指下星期几系边到等。

轩： 咁星期五六点钟，黄大仙地铁站等啦。

祥： 哦。

ACT 6

烧烤场另一边。

跟： 龙爷，佢地黎喇啲。

明显地，祥不想来。祥望住轩。

轩： 我都唔知架。可能佢地想同我地做朋友呢（乱 UP）
龙入。

龙： 喂！黎左喇！一齐食野啦。

跟比野佢地食。

轩接过食物，比另一碟祥。

轩： 都话冇野架啦。

祥： 。。。。

龙： 喂！不如一齐玩闪避球啦！

跟： 好呀好呀！

故意玩弄祥！

之后输左，要罚佢，如辣个烧热左既棉花糖。

要谗几款。

其中要有踩烂佢眼镜。

之后祥，唔系好睇到。

推撞间祥被推落地。

轩唔敢出声。

大家推跌祥。

扮搵佢唔到，对佢拳打脚踢。

中途有人在远处叫： 喂！个边系咪有人打人呀？

龙： 唔系呀！玩下咋！（指祥）系咪呀。

跟： 系呀～

龙及跟班继续打。

轩想出手

跟： 喂喂喂！停！佢块面紫晒既？

龙： 唔系呀嘛！？咁大获！？喂！你有野呀嘛。

祥郁了两郁。

龙： 佢郁架！即系冇野啦！（叫跟班）喂！快闪喇！中秋节快乐呀下！？

轩望着祥，呆了。

轩： 祥？

祥没动。

轩走近，惊吓，即报警。

警号声。

ACT 7

法： （V。O）首被告X X X于X月X日谋杀十七岁男子X X祥，本席宣判罪名成立，将会等

候被告心理报告后判刑，现环压监房，不得保释。次被告X X X及X X X于X月X日谋杀十七岁男子X X祥，本席宣判罪名成立，将会等候被告心理报告后判刑。

三被告X X轩由于证据不足，本席宣判罪名成立，当庭释放。

轩独自走出来，在台中间。

记者： 法官表示童党行为野蛮且凶残，难以相像在一极其发达既公民社会里会发生既事。

心理学家： 其实现今青少年缺乏大人的爱护，因而引发到今次悲剧。我建议政府可以拨多些资源

去协助这些家庭，关怀佢地既需要。

东张西望： 最近全城关注的童党谋杀案，教育局长表示十分关注，希望死者既家人能够尽早走出

阴霾，重过新生活。另外，今次其中一个热烈讨论既话题就系三被告是否有罪，无论点都好，希望今次事件尽快平息。

教育局长： 拿。我地政府系十分关注今次的事。我地已立即拨备所有三百期关爱基金去学校以及

社工团体加强对学生的教导。

所有人离开。没有人看到主角。

祥父： （走出）你系X X轩，祥仔冇同我提及过你。放心，冇野既。我知你有份。多谢你平时多多照顾祥仔。（离开）

父： 最紧要，乜都唔好理。你唔搞人，人地唔会搞你。

祥： 阿轩。（死）

轩： 对。。。对不起。（哭崩）

音乐渐大。突然消失。

全剧完。

